



南華真經識餘

三種

怡顏齋



南華真經識餘

莊子爲道家言篇中人名地名以及鳥獸草木牛屬  
寓言必欲切求故實轉嫌穿鑿雖然不可名者道也  
而道寄於文入地物事又爲文者之所寄也於其所  
寄者略爲攷覈以便循覽倘亦因文見道之一助乎

南華真經識餘



南華眞經識餘

釋文補

宛平陳壽昌輯

內篇

逍遙遊篇

北冥有魚其名爲鯤

陸德明釋文北冥北海也東方朔十洲記云水黑色謂之冥海無風洪波百丈鯤大魚名崔謨云鯤當作鯨按列子殷湯篇有魚焉其廣數千里其長稱焉其名爲鯨又爾雅釋魚鯨魚子註凡魚之子名鯨與此不合姑備一解

其名爲鵬

釋文崔云鵬卽古鳳字非來儀之鳳也說文云朋及鵬皆古文鳳字也按玉篇鵬大鵬鳥也又太平

南華眞經識餘

逍遙遊

一

搏扶搖而上者九萬里

御覽載崑崙層期國出大鵬鳥飛則蔽日能食駱駝人拾得其羽截以爲水桶

覆杯水於坳堂之上

釋文坳堂崔云道謂之坳司馬云塗地令平也按廣韻坳音凹窞下也坳堂當是堂之凹處

蜩與學鳩笑之

釋文司馬云蜩蟬也學鳩小鳩也學又作鸞崔云學讀爲滑滑鳩一名滑雕唐釋成元英疏鸞鳩鵲鳩也卽班鳩也或云山鵲之似鳩者

朝菌不知晦朔蟪蛄不知春秋

釋文司馬云朝菌大芝也天陰生糞上見日則死說文云地菴也按爾雅釋草疏大曰中槿小曰菌

菌生以朝計故曰朝菌又高郵王氏讀書雜志餘  
編謂淮南道應篇引此朝菌作朝秀高誘註曰朝  
秀朝生暮死之蟲生水狀似蠶蛾一名孳母據  
此則朝秀與蟋蟀皆蟲名也朝秀朝菌特語之轉  
耳且上文云之二蟲又何知此云不知晦朔亦必  
蟲也蟲者微有知之物故知此云不知言之若草木  
也生於麥梗亦謂之麥節按蟋蟀蟬類有二楚辭  
招隱士歲暮兮不自聊蟋蟀鳴兮啾啾寒  
蟿也此則當是生在夏間小而青紫者

楚之南有冥靈者以五百歲爲春五百歲爲秋上古

有大椿者以八千歲爲春八千歲爲秋

釋文李頤云冥靈木名司馬云大椿木一名檮杌  
木槿也又宋羅勉道云冥靈者冥海之靈龜也龜  
列四靈之中故謂之靈冥靈大椿與上文朝菌蟋  
蟀皆以一植一動對舉則冥靈非植物明矣以五  
百歲爲春爲秋者史記龜千歲合二五百恰符千  
歲之數大椿以八千歲爲春爲秋者析椿字爲二

南華真經識餘

逍遙遊

二

八百乘之以十則二八千之數也滑稽杜  
撰偶然出此殆亦亥字二首六身之類

而彭祖乃今以久特聞

釋文李云彭祖名鏗堯臣封於彭城歷虞夏至商  
年七百歲世本云姓鏗名鏗在商爲守藏史在周  
爲柱下史年八百歲鏗音翦一云卽老子也按楚  
辭天問彭鏗樹雉王逸注鼎進雉羹於堯堯封於彭  
瑣之元孫善養性能調鼎進雉羹於堯堯封於彭  
城歷夏經殷至周年七百六十七歲而不衰又云  
彭祖至八百歲猶自悔  
不壽恨枕高而唾遠也

湯之問棘也是已

釋文李云棘湯時賢人又云是棘子按列子湯問  
篇作問於夏革張湛注曰革莊子音棘殷敬順釋  
文曰夏棘字子  
棘湯賢大夫

斥鴳笑之曰

釋文司馬云斥小澤也本亦作尺鷁亦作鷁按禽  
經鷁上有赤赤通尺謂鷁之上飛僅能尺也或謂  
作斥

### 而宋榮子猶然笑之

釋文榮子司馬云宋國人崔云賢者也成疏姓榮  
氏子者有德之稱按皇甫謐高士傳稱榮啟期鹿  
裘帶索鼓琴而歌孔子游於泰山見而問之曰先  
生何樂也期告以三樂且曰貧者士之常死者民  
之終居常以待終何不樂也是真有德者也此所  
謂榮子者殆其人歟德清俞氏人名攷謂宋榮子  
卽宋鉏則是  
宋爲姓氏矣

### 夫列子御風而行

釋文李云列子名御寇鄭人也與鄭穆公同時按  
列子師於壺邱子林著書入卷得風仙之道後鄭  
穆公百年非同時也柳宗元辨  
之甚詳釋文蓋沿劉向之誤

### 南華真經識餘

逍遙遊

三

### 而御六氣之辯

釋文六氣司馬云陰陽風雨晦明也李云平旦爲  
朝霞日中爲正陽日入爲飛泉夜半爲沆瀣天玄  
地黃爲六氣王逸註楚辭云陵陽子明經言春食  
朝霞朝霞者日欲出時黃氣也秋食淪陰淪陰者  
日沒已後赤黃氣也冬食沆瀣沆瀣者北方夜半  
氣也夏食正陽正陽者南方日中氣也并天玄地  
黃之氣是爲六氣支遁  
云天地四時之氣也

### 堯讓天下於許由

釋文許由隱人也隱於箕山司馬云潁川陽城人  
梁簡文帝云陽城槐里人李云字仲武按高士傳  
載許由不受堯禪遁耕於中岳潁水之陽箕山之  
下堯又召爲九州長由不欲聞洗耳於潁水之陽

### 偃鼠飲河

釋文李云鼯鼠也說文鼯鼠一曰偃鼠成疏偃鼠  
形大如牛赤黑色獐腳腳有三甲耳似象耳尾端

白接偃鼠好偃河而飲水故名偃亦作颺

### 肩吾問於連叔曰吾聞言於接輿

釋文肩吾李云賢人也司馬云神名又見大宗師篇司馬云山神不死至孔子時連叔李云儻道人也接輿楚人成疏姓陸名通字接輿佯狂不仕楚王遣使以黃金百鎰車二駟聘之不應

### 藐姑射之山

釋文藐姑射山名在北海中藐列子天瑞篇作列案姑射山山海經凡兩見其載在東山經者別是一山海內北經列姑射在海河洲中郭璞註謂即指此

### 越人斷髮文身無所用之

按史記集解吳太伯世家應邵注云常在水身故斷其髮文其身以象龍子故不見傷害又淮南子原道訓九疑之南陸事寡而水事眾於是民人披髮文身以像鱗蟲

### 南華真經識餘

逍遙遊

四

### 往見四子藐姑射之山汾水之陽

釋文四子司馬及李云王倪齧缺被衣許由也藐姑射據江都秦氏列子盧注校刻本補釋甚詳引莊子以為上文所稱者在海中此則臨汾之姑射見於東山經者即今平陽府西之九孔山也並引隋書地理志為證案莊子稱姑射以喻神居一篇之中豈容強分為二處秦氏蓋未明下文汾水之陽句指堯既歸時言故不得不曲為之說至弇山畢氏校刊山海經並謂海內北經所載姑射亦在山西則尤誤矣汾水之陽成疏汾水出自太原西入於河水北曰陽按堯都平陽在汾水北故城在今山西平陽府臨汾縣界所謂汾水之陽即自帝都言也故上既云往此則不言歸而其義自見也

### 惠子謂莊子曰魏王貽我大瓠之種

釋文司馬云惠子姓惠名施為梁相魏王梁惠王也按惠王名營武侯之子未徙大梁時國號魏瓠成疏瓠類按瓠即壺也詩湘風八月蒲壺注壺瓠也

何不慮以為大樽

釋文司馬云樽如酒器縛之於身浮於江湖可以自渡慮猶結綴也所謂繫舟者是按樽猶壺也儀禮燕禮注禮法有以壺為樽者左傳昭公十四年樽以魯壺皆同物異名之證而用以盛酒醴用以渡江湖其實一也鶻冠子所謂中流失船一壺千金也

子獨不見狸狌乎

成疏狸狌野貓也按狸同狸其類非一食蟲鼠者名虎狸善竊雞鴨者名貓狸狌亦作鼪鼠狼也

今夫麋牛

成疏猶旄牛也按山海經北山經潘侯之山有獸焉其狀如牛而四節生毛名曰旄牛又中山經荆山其中多羴牛註旄牛屬也黑色出西南徼外

齊物論篇

南華真經識餘

齊物論

五

南郭子綦隱几而坐

釋文司馬云居南郭因為號成疏楚昭王之庶弟莊王時為司馬字子綦古人渣質多以居處為號亦猶市南宜僚東郭順子之類也按又見人間世篇作南伯子綦徐無鬼同大宗師篇作南伯子綦寓言篇作東郭子綦又俞氏人名攷云列子仲尼篇子列子與南郭子連牆二十年不相請謁即其人也

顏成子游立侍乎前

釋文李云姓顏名偃諡成字子游子綦弟子也按又見徐無鬼篇作顏成子

似枅似圈似臼似洼者似污者激者謫者叱者吸者

叫者譟者突者咬者前者唱于而隨者唱喁

釋文枅字林云柱上方木簡文云構墟也圈郭音權枅圈也徐其阮反言如羊豕之闌圈也洼者汚



其留如詛盟

者司馬云若注曲若汗下也激者如水激也司馬  
云聲若激喚也謫者叱者吸者叫者諺者司馬云  
若謹請聲若叱咄聲若噓吸聲若叫呼聲若諺哭  
聲也矣者司馬云深者也若深矣矣然咬者司馬  
云聲哀切咬咬然也于喁李云聲之相和也按說  
文枿屋櫨也徐鍇曰柱上橫木承棟者橫之似筭  
也圉養獸之閑也曰作自春也古者掘地為白其  
後穿木石象形中米也又集韻圈與捲同屈木所  
為厄區之屬又羅勉道云枿則相累積有空缺圈  
則圓而中空曰則中窠皆取象於物於地激如水  
日注水淳窠下之所謂曰汚二聲取象於地激如深  
激聲謫如箭去聲謫如號哭聲實東南隅如深  
室中聲咬如鳥咬咬聲唱于于等通韓非曰芋為  
五聲之長故曰唱于喁者眾窠如魚口之驗喁也

百骸九竅六藏

南華真經識餘

齊物論

六

人身有三百六十骨節總言百以骸之成疏九竅  
謂眼耳鼻舌口及下二漏也六謂六腑大腸小腸  
膀胱三焦也藏謂五臟心肝脾肺腎也

狙公賦芋

釋文司馬云狙公典狙官也崔云養猿狙者也李  
云老狙也廣雅云狙獼猴也按列子黃帝篇亦載  
此詳其辭義狙公當是宋人以養狙而得名者  
芋成疏椽子也似栗而小按椽子即榱實也

昭文之鼓琴也師曠之枝策也

釋文司馬云昭文古善琴者按列子湯問篇載鄭  
師文從師襄鼓琴事註曰師文鄭國樂師俞氏人  
名攷謂稱師者以官言稱昭者以氏言師文疑即  
昭文也師曠按又見駢拇篇釋文司馬云晉賢大  
夫善音律能致鬼神史記云冀州南和人  
生而無目成疏曠字子野為晉平公樂師

故以堅白之昧終

釋文司馬云堅白謂堅石白馬之辯也又云公孫龍有淬劍之法謂之堅白崔同又云或曰設矛俄之說為堅辯白馬之名為白成疏堅持其白馬之說故曰堅白又今本公孫龍子有堅白論堅以石為辭辯白以石之色言皆主石以立說也按堅白子不曰堅乎不曰白乎之語亦謂當時有是說也循名攷義當是堅則無以屈白則無以污皆善於口辯以禦人者才猶鬼谷子所謂縱橫捭闔之類是也

### 昔者十日並出

按山海經海外東經陽谷上有扶桑十日所浴又淮南子本經訓堯時十日並出使羿射落其九

### 鬻缺問乎王倪

釋文鬻缺未詳按淮南子齊俗篇高誘註鬻缺破衣皆堯時老人王倪釋文引高士傳云堯時賢人也按漢書古今人表作王兒

### 南華真經識餘

齊物論

七

### 民食芻豢麋鹿食薦蚍蜉甘帶

釋文司馬云牛羊曰芻犬豕曰豢以所食得名也按禮月令疏食草曰芻食穀曰豢薦說文獸所食草也蚍蜉廣雅蜈蚣也又爾雅釋蟲註似蝗大腹長角能食蛇腦帶釋文崔云蛇也

### 狻狷狙以為雌

釋文司馬云狙一名獾狴似狻而狗頭憲與雌狻交也崔云獾狙一名獾狴其雄憲與狻雌為牝牡向秀云獾狙以狻為雌也

### 毛嬙麗姬

釋文司馬云毛嬙古美人麗姬晉獻公之嬖以為夫人一云毛嬙越王之美姬也

### 瞿鵲子問乎長梧子

釋文瞿鵲子未詳證以下文當是孔子弟子長梧子李云居長梧下因以為名又云長梧封人也

按戰國策宋策有梧下先生高誘註先生長者有德者稱家有大梧因以為號李云居長梧下倘卽其人

### 覓彈而求鴉豕

釋文司馬云鴉小鳩可豕毛詩草木疏云大如班鳩綠色其肉甚美按爾雅釋鳥臯鴉疏可為羹雁又可為豕  
卽青鴉也

### 女以妄聽之奚

宋王應麟云張文潛銘商瑤曰造物則奚句法本此

### 艾封人之子也

釋文艾地未詳據左傳晉獻公伐驪戎以驪姬歸則艾地當在驪戎境內今陝西臨潼縣東有驪戎故城

### 南華真經識餘

#### 養生主篇

養生主

八

### 庖丁為文惠君解牛

釋文崔云庖丁庖人丁其名也按呂氏春秋精通篇載宋之庖丁好解牛用刀十九年若新斲研據此則庖丁當為宋人淮南子齊俗篇載庖丁用刀十九年而刃如新剖剗高誘註庖丁齊屠伯也則又當為齊人此云為文惠君解牛文惠君司馬則梁惠王也則又當為梁人夫以庖丁一人而籍隸三國理所必無而以三國之庖人皆以丁名亦事所罕有大抵庖丁者卽園丁畚丁畦丁之類丁猶人也必古有是人而以善解牛聞故競舉之以誇美也

### 老聃死

成疏老聃卽老子也姓李名耳字伯陽按法輪經老子在天皇時為通玄天師地皇時為有古先生人皇時為盤古先生伏羲時為鬱華子神農時為大成子祝融時為廣壽子黃帝時為廣成子帝嚳

時為錄圖子帝堯時為務成子帝舜時為尹壽子  
夏禹時為真行子商湯時為錫則子後以商王陽  
甲十八年降胎至武丁九年生在周西伯時為藏  
史號燮邑子武王時為柱下史號育成子成王時  
為經成子康王時為郭叔子又按葛洪神仙傳老  
子者或云上三皇時為元子法師下三皇時為金  
闕帝君神農時為九靈老子子顓頊時為赤精同  
文王時為文邑先生以後未詳餘與法輪經同

### 人間世篇

### 死者以國量乎澤若蕉

釋文向云蕉草芥也按乎當作平謂填平其澤如  
草芥之多也淮南子汜論篇道路死人以溝量可  
為以國量  
絕句之證

### 術暴人之前者

術通述按禮祭義結諸心形諸色而術省之註術  
當為述

### 南華真經識餘

人間世

九

### 禹攻有扈

釋文司馬云有扈國名在始平郡即今京兆鄠縣  
也按鄠縣今屬陝西西安府

### 獸死不擇音

郭註意急情盡則和聲不至按左傳文公十七年  
鹿死不擇音杜註音與蔭通謂銜而走險不暇更  
擇庇蔭之所也

### 顏闔

釋文顏闔魯之賢人隱者案顏闔事見讓王篇又  
漢書楊雄傳或鑿坏以道應劭曰魯君問顏闔賢  
聘因鑿後垣而亡

### 以蜾蠃溺

成疏蜾蠃大蛤也按蜾蠃灰泥之器周禮春官鬯人掌  
四方山川用蜾蠃器

至於曲轅

釋文曲轅司馬云曲道也崔云道名成疏地名也其道屈曲如嵩山之西有轅轅之道卽斯類也

匠伯不顧

釋文伯匠石字也崔木亦作石俞氏人名攷謂前後皆言匠石中間忽言匠伯疑是字之誤陸氏以爲匠石之字蓋臆說也按說文伯長也匠伯當是諸匠中之長亦猶今之稱匠頭也

匠石覺而診其夢

釋文診向及司馬並云占夢也高郵王氏謂診當讀爲眡爾雅眡告也郭註引曲禮曰眡於鬼神眡與診古字通此蓋謂匠伯覺而告其夢於弟子非謂占夢也

南伯子綦游乎商之邱

釋文李云南伯卽南郭也伯長也按大宗師篇又作南伯子綦李云綦當爲綦聲之誤也商之邱司南華真經識餘人問世十

馬云今梁國睢陽縣是也按睢陽在今河南歸德府商邱縣界

求高名之麗者斬之

釋文司馬云麗小船也又屋樑也按麗同櫪棟名列子湯問篇雍門鬻歌餘音遶梁櫪三日不絕

故解之以牛之白額者

解祭祀解禳也按漢書郊祀志古者天子春有解祠一云解巫祝書名

支離疏者

釋文司馬云形體支離不全貌疏其名也按疏亦藉寓脫略之義又至樂篇有支離叔列禦寇篇有支離益皆以解心忘形寓妙理於姓氏間也

迷陽迷陽

郭註迷陽猶亡陽也釋文司馬云迷陽伏陽也言詳狂按迷陽棘草也詩召南言采其葢注葢似葢

而差小有芒而味苦山間人食之謂之  
迷歲胡氏云卽莊子所謂迷陽者是

### 德充符篇

### 雄入於九軍

釋文崔李云天子六軍諸侯三軍通爲九軍簡文  
云兵書以攻九天收九地故謂之九軍

### 同師於伯昏無人

釋文無人雜篇作晉人按列子黃帝篇與此同殷  
敬順釋文無莫侯切蓋仍讀無爲晉成疏伯長也  
昏闇也德居物長韜光若闇洞忘  
物我故曰伯昏無人蓋寄名也

### 遊於羿之彀中

郭注羿古之善射者按羿堯時人也夏初有窮之  
君慕其能亦以羿名

### 不以矇

### 南華真經識餘

德充符

士

釋文矇屬也武王所造朱均云武飾也按禮檀弓  
飾棺牆置矇以木爲筐廣三尺高二尺四  
寸方兩角高衣以白布畫雲氣柄長五尺

### 大宗師篇

### 若狐不借務光伯夷叔齊箕子胥餘紀他申徒狄

釋文司馬云狐不借古賢人也皇甫謐云務光黃  
帝時人耳長七寸按史記伯夷列傳及漢書古今  
人表皆謂務光爲殷湯時人務或作脊又淮南子  
精神訓務光不以生害義故自投於淵伯夷叔齊  
孤竹君之二子按伯夷名元字公信叔齊名致字  
公達姓磬胎氏胥餘司馬云箕子名見尸子又云  
尸子曰箕子封漆身爲厲披髮佯狂技與今本  
同箕子紂諸父封箕子爲厲披髮佯狂技與今本  
有箕城一云箕子名聶餘比干名胥餘絕他成疏  
姓紀名他湯時逸人間湯讓務光恐及乎已遂將  
弟子陷於窾水而死按與申徒狄事同見外物篇  
申徒狄釋文云殷時人負石自沈於河崔本作司

徒狄俞氏人名攷據史記留侯世家良爲韓申徒  
徐廣註謂申徒卽司徒也但語音訛轉故字亦隨  
改按司徒之職命自虞廷爵顯位尊載筆者豈容  
隨聲更易左傳載宋以武公廢司空因以司城名  
謂申徒之賜氏其先必有故特歷年久遠無可稽耳至

豨韋氏得之以挈天地伏羲氏得之以襲氣母維斗  
得之終古不忒日月得之終古不息堪坏得之以襲  
崑崙馮夷得之以遊大川肩吾得之以處大山黃帝  
得之以登雲天顛頊得之以處玄宮禹強得之立乎  
北極西王母得之坐乎少廣莫知其始莫知其終彭  
祖得之上及有虞下及五伯傳說得之以相武丁奄  
有天下乘東維騎箕尾而比於列星

南華真經識餘

大宗師

三

釋文司馬云豨韋氏上古帝王名豨李音豕豕按殷  
以爲天之綱維塊圻或卽其後維斗李音北斗所  
作欽負按今本淮南子齊俗篇作鉗且武進莊氏  
校本謂字形近故誤耳崑崙山名成疏在北海之  
北按水經注山在西北去嵩高萬里地之中也馮  
夷司馬云清冷傳曰馮夷華陰潼鄉隄首人也服  
八石得水仙是爲河伯按山海經海內北經從極  
也淵深三百仞惟冰夷恆都焉疏璞註冰夷馮極  
也肩吾解見逍遙遊篇黃帝成疏帝璞探首山之銅  
鑄鼎於荆山之下一鼎成有龍垂於鼎以迎黃帝遂  
將羣臣後宮七十二人乘雲上升按事載史記封  
禪書顛頊黃帝之孫成疏帝在位六十七年採羽  
山之銅爲鼎能召四海之神得道爲北方之帝按  
卽禮月令所稱其帝顛頊是也北經北海云北海  
神也亦云禺京按山經海外北經北海之渚有  
神人面鳥身珥兩青蛇踐兩赤蛇名曰禺強西王  
母成疏太陰之精按山海經西山經西王母狀如  
人豹尾虎齒善嘯蓬髮戴勝是司天之厲及五殘  
又據紹興王氏仙史西王母卽金母也生於神洲

厥姓緜氏諱回字婉妘位配西方母養羣品用穆  
王入駿西巡親謁見之漢元封元年與止元夫人  
同降帝廷少廣司馬云穴名崔云山名彭祖解見  
逍遙遊篇五伯成疏昆吾爲夏伯大彭豸章爲殷  
伯齊桓晉文爲周伯傳說殷相武丁殷高宗也按  
與星二十八宿分列於四維東方七宿箕尾二星  
控御者然故曰星東維騎箕尾也

子祀子輿子犁子來

釋文崔云子祀淮南子作子永行年五十有四而  
病偃僕按今本精神訓篇說作子求高誘註楚人  
也又抱朴子博喻篇亦云子永歎天倫之偉子  
真子犁子來釋文未詳但云子輿本又作與

我且必爲鎡鋸

成疏昔吳人干將爲吳王鑄劍妻名鎡鋸劍成因  
名雄劍爲干將雌劍爲鎡鋸按吳越春秋鎡邪者  
干將之妻名干將作劍採五山之精合六金之英  
候天伺地陰陽同光金鐵之穎未肯淪流干將夫  
南華真經識餘大宗師

妻乃斷髮剪指投之鑪中使童子二百鼓橐裝炭  
金鐵乃灑遂以成劍陽曰干將而作龜文陰曰鎡  
邪而作漫理又列女傳楚王夫人於夏納涼抱鐵  
柱心有所感遂懷孕產一鐵楚王命鎡邪鑄爲雙  
劍

子桑戶孟子反子琴張

釋文未詳按楚辭九章桑扈嬴行洪興祖註謂桑  
扈卽桑戶又按山木篇作子桑扈一云三人卽子  
桑伯子孟之

應帝王篇

行以告蒲衣子

釋文尸子云蒲衣入歲殫讓以天下崔云卽被衣  
王倪之師也淮南子曰齧缺問道於被衣按漢書  
古今人表作被衣師古註被音披淮南子似  
眞篇高誘註方回善卷被衣皆堯時隱士



有虞氏不及泰氏

釋文司馬云泰氏上古帝王也李云大庭氏成疏即太昊伏羲也俞氏人名攷云帝王世紀天皇大帝曜魄寶地皇謂人皇太一也

天根遊於殷陽至蓼水之上

釋文李云殷山名陽山之陽也崔云殷陽地名司馬云殷眾也言向南遊也或作殷湯成疏蓼水名在趙國界內按趙國在今直隸廣平府境

陽子居

釋文李云居名也子男子通稱成疏姓陽名朱字子居按又見寓言篇釋文云姓陽名戎字子居

鄭有神巫曰季咸

釋文李云女曰巫男曰覡季咸名成疏姓季名咸俞氏人名攷云在男曰覡在女曰巫說本國語楚南華真經識餘

應帝王

十四

譚然韋昭註云周禮男亦曰巫張湛註列子亦引顏師古曰巫覡通稱玉篇則云神降男為巫女為覡按周禮春官家宗人凡以神仕者疏男子陽有兩稱曰巫曰覡女子陰不變直名巫無覡稱

淵有九名

按列子黃帝篇鏡旋之潘為淵止水之潘為淵流之潘為淵濫水之潘為淵沃水之潘為淵汎水之潘為淵雍水之潘為淵汧水之潘為淵肥水之潘為淵是為九淵焉

因以為波流

釋文波流崔本作波隨高郵王氏云蛇何靡隨為韻作波隨者是也蛇古音徒禾反靡古音摩隨古音徒何反

南華真經識餘

釋文補

宛平陳壽昌輯

外篇

駢拇篇

亂五聲淫六律金石絲竹黃鐘大呂之聲非乎

五聲成疏宮商角徵羽也六律漢書律歷志云律有十二陽六為律陰六為呂按六律黃鐘大簇姑洗蕤賓夷則無射也大呂陰律之一按漢志大呂旅也言陰大呂助黃鐘宣氣而牙物也

擢德塞性

高郵王氏云塞與擢義不相類塞當為舉擢舉皆謂拔取之也淮南傲真篇曰俗世之學擢德撻性內愁五藏外勞耳目乃始招蟻振繩物之豪芒搖消掉捐仁義禮樂暴行越智於天下以招號名聲

南華真經識餘

駢拇

十五

於世又曰今萬物之來擢拔吾性撻取吾情皆其證也隸書手字或作丰故篆字或作拳形與塞相似因譌為塞矣

壘瓦結繩竄句

釋文司馬云竄句謂邪說微隱穿鑿文句也句一音鉤按周禮冬官考工記廬人句兵欲無彈註句兵戈戟屬句音鉤竄句作竄鉤解始與壘瓦結繩相類竄猶遁也蓋喻詞緝之善遁也

臧與穀二人

釋文崔云好書曰臧方言齊之北鄙燕之北郊凡民男而婿婢謂之臧婦女而婦奴謂之獲張揖云婿婢之子謂之臧婦奴之子謂之獲穀成疏良家子也

則博塞以游

釋文塞博之類也漢書吾丘壽王以善格五待詔謂博塞也按說文博局戲六著十二碁也說苑行

塞相塞謂之塞又鮑宏塞經白行五道而投瓊曰博不投瓊曰塞瓊卽今骰子之類

### 伯夷死名於首陽之下盜跖死利於東陵之上

釋文首陽山名在河東蒲坂縣按蒲坂在今山西蒲州府界盜跖釋文引李奇註漢書云跖秦之大盜按史記伯夷傳正義云跖者黃帝時大盜之名東陵李云謂太山也一云陵名今名東平陵屬濟南郡按濟南卽今山東濟南府境

### 雖通如俞兒

釋文俞兒司馬云古之善識味人也崔云尸子曰膳俞兒和之以薑桂爲人主上食淮南云俞兒狄牙嘗淄澠之水而別之一云俞兒黃帝時人狄牙卽易牙齊桓公時識味人也一云俞兒亦齊人淮南子一本作申兒疑申當爲與按今本淮南子泥論訓與兒易牙淄澠之水合者嘗一哈水而甘苦知矣高誘註與兒易牙皆齊之知味者

### 南華真經識餘

馬蹏

去

### 馬蹏篇

### 翹足而陸

釋文司馬云陸蹏也按陸通蹏郭璞駟騶贊曰今背翹陸作陸又江賦夔術蹏蹏陸於夕陽作陸

### 雖有義臺路寢

釋文義臺一本作義臺崔云猶靈臺也路寢正室也又羅勉道云鄭司農謂故書儀但爲義義臺儀門之臺也

### 及至伯樂

釋文伯樂姓孫名陽善馭馬石氏星經伯樂天星名主典天馬孫陽善馭故以爲名成疏伯樂秦穆公時人

### 夫赫胥氏之時

釋文司馬云赫胥氏上古帝王也一云有赫然之德使民胥附故曰赫胥蓋炎帝也按漢書古今人表有赫胥氏又有炎帝神農氏

胙篋篇

治邑屋州閭鄉曲者

按周禮地官小司徒四井為邑杜氏通典晦百為夫夫三為屋又周禮地官大司徒五黨為州五比為閭五州為鄉州二千五百家

然而田成子一旦殺齊君

成疏田成子齊大夫陳恆也是敬仲七世孫齊君簡公名王悼公之子

十二世有齊國

釋文自敬仲至莊子九世知齊政自太公和至威王三世為齊侯故曰十二世

南華真經識餘

胙篋

七

莫弘胞子胥靡

釋文司馬云莫弘周靈王賢臣也案史記封禪書云莫弘以方事周靈王諸侯莫朝周周力少莫弘乃明鬼神事設射狸首狸首者諸侯之不來者依物怪欲以致諸侯諸侯不從而晉人執殺莫弘皇覽云晉以城成周之役忌弘弘以忠見害後人談方怪者託弘名為高君子貴焉又按左傳周人殺莫弘時在敬王二十八年敬王靈王孫也又淮南子汜論訓云莫弘執數天地之氣日月之行風雨之變律歷之數無所不通車裂而死胞裂也一云剗腸曰胞子胥姓伍名員忠於吳王夫差夫差疑之賜之屬縷以死因以鳴夷革盛其尸而投之江事載史記本傳鳴夷革應劭曰取馬革為鳴夷賜夷榼形又按呂氏春秋贊能篇魯君許桓公之請生授管仲於齊乃使吏轡其牽膠其目盛之以鴟夷置之車中所謂鳴夷當即馬革為之者蓋其形象榼其大固非榼比也

魯酒薄而邯鄲圍

釋文楚宣王朝諸侯魯恭公後至而酒滿宣王怒欲辱之恭公不受命不辭而返宣王乃約齊攻魯梁惠王常欲擊趙而畏楚救楚以魯爲事故梁得圍邯鄲又據許慎注淮南云楚會諸侯魯趙俱獻酒於楚王魯酒薄而趙厚厚楚之主酒吏求酒於趙趙不與吏怒乃以趙厚酒易魯薄酒奏之楚王以趙酒薄故圍邯鄲邯鄲趙都按在今直隸廣平府邯鄲縣界

擺工倕之指

釋文倕堯時巧人也按倕通垂書舜典帝曰俞咨垂汝共工當卽其人也

昔者容成氏大庭氏伯皇氏中央氏栗陸氏驪畜氏

軒轅氏赫胥氏尊盧氏祝融氏伏羲氏神農氏

釋文司馬云此十二氏皆上古帝王按與古今人表帝王世紀所載稍異敘次亦不同然古帝號每多重疊如伏羲亦稱庖犧神農又稱連山烈山荒遠難稽原未可泥於一說至莊子隨意援引更無南華真經識餘

容膠執也

夫弓弩畢弋機變之知多

按說文弓有臂者曰弩釋文李云免網曰畢繳射曰弋弩牙曰機成疏畢小網其柄形似畢星故名

鈎餌罔罟罾筍之知多

釋文鈎釣鈎也餌魚餌也廣雅云罟謂之罔罾魚網也成疏筍曲梁也按筍爲取魚之竹器

削格羅落置罟之知多

釋文李云削格所以施網羅者明陳懿典云木柵也捕兔鹿者用之按削音峭格用以格獸者其形峭立故曰削格落藩籬也用以居獸者如漢書鼂錯傳所稱虎落者是羅落謂森然羅列以竹篾相遮落也置爾雅釋器註猶遮也罟玉箭同罟置罟異名而同用皆兔置也一云罟通學今駮車也

知詐漸毒頡滑堅白解垢同異之變名

釋文漸毒李云漸漬之毒不覺深也崔云猶深害也頤滑謂難料理也崔云纏屈也李滑音骨滑稽也一云頤滑不正之語也解垢司馬云隅角也崔同或云詭曲之辭又羅勉道云知詐漸毒頤滑堅白解垢同異以上文例之亦當為三事知詐漸毒者以知相詐積漸成毒也堅白者堅執為白同異者合異為同皆公孫之書有此語頤相競為高也滑猶走弄不定也彼堅執以為白而辨之者與之相頤使之走弄不定解散也垢身之塵垢也解垢同異者解散其同如垢之脫也上一句說知下二句說辯按羅說頗有見地惟解下二句尚嫌迂曲竊謂頤者如羽之騰滑者如擊之多解者如縷之分垢者如污之合一以狀論堅白者之便利足給一以明辨同異者之闢闔無常也

在宥篇

從容無為而萬物炊累焉

釋文炊累司馬云猶動升也向郭云如埃塵之自動也又羅勉道曰萬物炊累謂萬物皆囿吾生育

南華真經識餘

在宥

尤

之中如炊氣積累而熟按淮南子倣真訓篇抱德煬和而萬物雜累焉高誘註雜累言成熟也

堯於是放驩兜於崇山投三苗於三峽流共工於幽

都

釋文崇山南裔也堯六十年放驩兜於崇山三苗者縉雲氏之子即饕餮也三峽本亦作三危西裔之山也今屬天水堯六十六年竄三苗於三危共工官名即窮奇也幽都李云即幽州也北裔也堯六十四年流共工於幽州成疏謹兜即帝鴻氏之子混沌也按謹兜堯時司徒崇山在今湖南澧州右彭蠡是也即今湖南岳陽吳起曰三苗之國左洞庭而虞時卽號三苗今湖南岳陽故名共工古之世官族縣南三峽登時如危欲墮故名共工古之世官族也鄭樵曰共工氏自伏羲之後子孫承傳以至堯舜之世幽都今順天府密雲縣東北有共城括地志舜流共工於此

聞廣成子在於空同之上

釋文廣成子或云卽老子也按葛洪神仙傳云老子於黃帝時爲廣成子又蘇軾云按山經廣成子治太易屯蒙二卦運行日月蓋古之眞人黃帝師也空同司馬云當北斗山下也爾雅云北戴斗極爲空同一云在梁國虞城東三十里按虞城今縣屬河南歸德府又史記正義五帝本紀引括地志云空桐山在肅州祿福縣東南抱樸子云黃帝過空桐從廣成子受自然之經卽此山括地志又云斧頭山一名陸岨山在原州平高縣西百里輿地志云或卽雞頭山也水經注云大隴山異名也莊子云廣成子學道於陸岨山黃帝問道於廣成子蓋此二處陸岨皆云黃帝登之未詳孰是按祿福在今甘肅平涼府固原州界

雲將東遊過扶搖之枝而適遭鴻蒙

釋文李雲將雲主帥也扶搖神木也生東海一云風也鴻蒙司馬云自然元氣也一云海上氣也

南華眞經識餘 天地 按雲將喻雲鴻蒙 喻天皆奇名也

天地篇

記曰通於一而萬事畢

成疏語見西昇經莊子引以爲證按西昇經蓋老子告尹喜之言

夫子曰

釋文司馬云夫子莊子也成疏老子也宋陳景元據陶隱居眞誥序錄曰莊子受長桑公微言撰內篇七卷謂夫子爲長桑公俞氏人名攷云此篇兩稱夫子下文夫子問於老聃釋文曰夫子仲尼也然則此云夫子亦仲尼矣按外雜篇非南華手記之書皆門人所記載尊之曰夫子亦猶魯論之稱子曰耳至下文夫子問於老聃陸氏以夫子爲仲尼蓋因老子稱名以告信而有徵故援以爲釋然亦當是門人述莊子之所述故亦以尊其師者尊之若必合異爲同謂道啟尼山淵源有自此特援

莊入儒之說  
非解人也

### 堯觀乎華

釋文司馬云華地名成疏華州也按華州在今陝西西安府華州界

### 伯成子高

釋文通變經云老子從此天地開闢以來吾身一千二百變後世得道伯成子高是也按伯成子高不以一毫利物舍國而隱耕見列子楊朱篇

### 離堅白若縣寓

按公孫龍堅白論有云於石一也堅白二也而在於石故有知焉有不知焉有見焉有不見焉故知與不知相與離見與不見相與藏藏故執謂之不見又曰石其無有惡取堅白石乎故離也又曰白以目以火見而火不見則火與目不見而神見神不見而見離堅以手而手以捶是捶與手知而不見而見離餘

### 南華真經識餘

天地

主

知而神與不知神乎是之謂離焉離也者天下故獨而正太旨謂堅白石三者本不相離然堅屬石之質以手拊而知白屬石之色以目視而見手目合用則能知能見手目分用則有不見有不知其不知不見處卽藏也藏故離也若夫未有此石堅白將何所屬其離而不合更可知矣且所謂手拊而知日視而見者是純從石之質色辨論未能遇以神也若並不藉手目之用而神而明之存乎其人是真離乎質與色通天下之堅而無不知通天

義如  
此

### 將閭薊見季徹

釋文將一本作蔣薊字亦作薊音免又音晚蔣閭薊人姓名也一云姓蔣閭名薊或云姓蔣名閭薊也季徹人姓名也蓋季氏之族

### 危其觀臺



按觀臺臺上構屋可以遠觀者也見左傳僖五年公既視朔遂登觀臺注

過漢陰

成疏漢水之陰按漢水出今陝西漢中府甯羌州嶓冢山至湖北之漢陽入於江

吾聞之夫子事求可功求成用力少而見功多者聖

人之道

按莊子中凡引孔子之言皆所謂重言特假之以取重耳三山林氏雲銘註謂若求可求成則將無所不為豐夫子而有是說誠迂論也惟此言聖人之道下文又言神全者聖人之道也詞既重複義亦不貫按魯論有云聖人吾不得而見之矣得見君子者斯可矣又天下篇兆於變化謂之聖人薰然慈仁謂之君子每以聖人君子次第而言以別差等據此下文明明以聖人之道推尊丈人則此是君子之譌句聖人二字當

南華真經識餘

天地

三

諳芒將東之大壑適遇苑風於東海之濱

釋文李云望之諳諳察之芒芒故曰諳芒一云姓名也或云霧氣也大壑李云東海也苑風本亦作宛李云小貌一云扶搖大風也又明朱得之云諳芒者多言而渺茫無心之言也風出於苑有限之用也或云苑文貌詩秦風蒙伐有苑讀平聲風以化也以喻觀文成化者也按白虎通云苑圃所以是東方謂養萬物東方物所生也據此則苑風當在東海而特倦倦於橫目之民也

門無鬼與赤張滿稽

釋文司馬本無鬼作無畏門姓無畏字也滿稽一本滿作蒲李云赤張氏也滿稽名也

以二缶鍾惑

釋文以二缶鍾缶應作垂鍾應作鍾言垂脚空中必不得有之適也司馬本作二垂鍾云鍾注意也

按周禮黃鍾作鍾漢書律歷志作鐘詩鐘鼓亦作鍾鐘古字通用以二缶鍾惑蓋謂鐘鳴而以二缶之音亂之則鍾聲不可辨也

厲之人

之字古人每如此用如齊物論篇麗姬稱麗之姬呂氏春秋真諫篇楚丹姬稱丹之姬曹子建樂府桂樹稱桂之樹

而虎豹在於囊檻

檻圈也按淮南子主術訓養虎豹犀象者為之圈檻蓋居獸以檻如囊之盛物故曰囊檻又宋玉風賦盛怒於土囊之口註土囊大穴也以囊為土囊亦通

天道篇

於是緡十二經

南華真經識餘 天道 主 釋文十二經說者曰詩書禮樂易春秋六經又加六緯合為十二經也一說云易上下經并十翼為十二又一云春秋十二公經也

鼠壤有餘蔬而棄妹不仁也

釋文棄妹一本作妹之者不仁釋名云妹末也謂末學之徒須慈誘之乃見棄薄不仁之甚也又宋林希逸云食蔬之餘棄於鼠壤閭味之地是不愛物故以為不仁褚伯秀云取蔬之本而棄其末是不惜物近於不仁明焦竑云妹氏棄蔬於鼠壤老氏主於儉嗇故責其暴殄而疏棄之三山林氏云食有餘而不養其妹故為不仁按廣雅釋親妹者末也又妹喜見國語晉語荀子作末喜妹末二字古通用鼠壤有餘蔬而棄妹者蓋言於微物皆有以養於末學則倦於教是愛人反不如愛物故以不仁譏之也

天運篇

巫咸詔曰

釋文詔郭音條又音紹李云巫咸殷相也詔寄名也句曲宣氏穎曰詔招字之譌謂招之來而語之也按集韻詔紹音義並同禮禮器禮有擯詔註詔或作紹則詔紹詔三字古皆通用詔曰猶詔曰也巫咸殷相古之知天者故假之以立言也

天有六極五常

釋文司馬云六極四方上下也明陳治安云三才各兼陰陽故有六極五布為金木水火土故有五常明陸長庚云六極五常即內經所謂五運六氣所以佐元宰而成歲功者也

夫南行者至於郢北面而不見冥山

釋文郢楚都也在江陵北按江陵今縣屬湖北荆州府冥山司馬云北海山名

故伐樹於宋削迹於衛

南華真經識餘

天運

雷

按史記孔子世家孔子去曹適宋與弟子習禮大樹下宋司馬桓魋欲殺孔子按其樹集解徐廣曰年表哀公三年孔子過宋又按史記孔子凡三適衛皆以道不行而去削迹猶絕迹也又家語載孔子適衛過蒲會公叔氏以蒲叛衛而止之弟子公良孺賢長有勇力以私車五乘從挺劍合眾將與之戰蒲人懼曰苟無適衛吾則出子乃盟孔子而謂自削其跡以防追也蒲衛邑在今直隸大名府長垣縣界

圍於陳蔡之間

按史記孔子世家哀公四年在陳蔡之間將廡楚聘陳蔡大夫合謀發徒役圍孔子於野不得行楚昭王與師來迎然後得免又據婺源江氏兩子年譜陳即今河南陳州府蔡與陳相近者兩地相接之處夫子去陳適楚道故出此至蔡昭侯所遷之州來在今安徽鳳陽府壽州北與陳相距數百里不得言陳蔡之間也

其里之富人見之堅閉門而不出貧人見之挈妻子而去之走

按莊子之文半屬寓言人物皆隨意援引時地亦不必盡合然其說事理處則娓娓動聽所謂其書雖瑣瑣而連狝無傷也若謂鄉里之間偶見一醜婦人則富者閉門貧者移居天下斷無是事所云去之走者特去而不顧耳意正與閉門者同惟假貧富以立論則詞義殊覺牽強富人當是婦人之說貧人當是丈夫之說富婦同音既說婦人為富人故下句不得不改為貧人試思挈妻子而去之走非謂丈夫而何屬之貧人義亦不類帝虎魯魚別風淮兩古書傳寫之譌往往如是

### 乃南之沛

釋文司馬云老子陳國相人相今屬苦縣與沛相近按漢沛郡相縣皆在今安徽鳳陽府宿州界

### 夫白鴟之相視眸子不運而風化

### 南華真經識餘

刻意

五

釋文三蒼云白鴟鴞也司馬云鳥子也按集韻鴟水鳥名風化司馬云相待風氣而化生也成疏不待合而生子故曰風化按左傳僖公四年唯是風馬牛不相及也賈逵疏牝牡相誘曰風風化者當即相誘化生之義蓋眸子之相注與下文蟲鳴之相應皆相誘也

### 類自為雌雄故風化

釋文引山海經竇爰之山有獸焉其狀如狸而有髮其名曰師類帶山有鳥其狀如鳳五采文其名曰奇類皆自牝牡也按郭註類作物類解謂物類各自為雌雄也若謂牝牡以一身為之則與相誘不合

### 刻意篇

### 故曰聖人休休焉則平易矣

俞氏諸子平議休焉二字傳寫誤倒此本作聖人休焉休則平易矣天道篇故帝王聖人休焉休則

虛與此文法相  
似可據訂正

### 夫有干越之劍者

釋文司馬云干吳也吳越出善劍也李云干溪越  
山出名劍又案吳有谿名于谿越有山名若邪並  
出善鐵鑄  
為名劍也

### 繕性篇

### 古之存身者

存身或作行身按上文古之所謂隱士者下文古  
之所謂得志者皆繫承上句說下則此句自當作  
存身方與上  
下文句法合

### 秋水篇

### 於是馬河伯欣然自喜

### 南華真經識餘

繕性

奚

釋文河伯姓馮名夷一名冰夷一名馮遲已見大  
宗師篇一云姓呂名公子馮夷是公子之妻又竹  
書紀年帝芬十六年洛伯用與河伯馮夷鬪又泄  
伯伯爵也錄  
之以備一解

### 井鼃不可語於海者

高郵王氏云鼃當作魚太平御覽時序部七鱗介  
部七蟲豸部一引此並云井魚不可以語於海則  
舊本作魚可知又鴻烈原道篇夫井魚不可與語  
大拘於隘也梁張縮交井魚之不識巨海夏蟲之  
不見冬冰皆用莊子之文  
則莊子之作井魚益明矣

### 尾闕洩之

釋文尾闕崔云東海川名司馬云泄海水出外者  
也成疏在碧海之東其處有石闕四萬里厚四萬  
里居百川之下尾而為闕族故曰  
尾闕海水沃著卽焦亦名沃焦也

之會讓而絕

成疏子之燕相會燕王名也子之即蘇秦之婿秦弟蘇代從齊使燕以堯讓許由故事說燕王會令讓位於子之子之受之國人恨其受讓皆不服三年國亂齊宣王用蘇代計與兵伐燕於是殺燕王會於朝以絕燕國

白公爭而滅

成疏白公名勝楚平王之孫太子建之子也平王用費無忌之言納秦女而疏太子太子奔鄭娶鄭女而生勝太傅伍奢被殺子胥奔吳勝從奔吳與胥耕於野楚令尹子西迎勝歸國封於白邑勝號稱公勝以鄭人殺父請兵復讐頻請不許遂起兵反楚遺葉公子高伐而滅之按事載左傳哀公十年

鴟鵂夜撮蚤

南華真經識餘

秋水

壬

高郵王氏云鴟字沙釋文內鴟鴞而衍釋文鴟尺夷反翟云鴟鴞鴞而不為鴟字作音則正文內本無鴟字明矣淮南子術篇亦云鴟夜撮蚤

夔憐虻

釋文李云黃帝在位時諸侯於東海流山得奇獸其狀如牛蒼色無角一足能走出入水即風雨目光如日月其音如雷名曰夔黃帝殺之取皮以冒鼓聲聞五百里成疏夔一足之獸山海經云東海之內有流波之山其山有獸狀如牛聲音如雷名之曰夔虻司馬云馬虻蟲也成疏百足蟲也按本草馬虻形如虻蜋紫黑色觸名即側臥如環故又名刀環

鱗我亦勝我

釋文鱗音秋本亦作躡李云躡也按荀子強國篇大燕鱗吾後楊倂註鱗躡也如躡踏於後也

孔子遊於匡宋人圍之

釋文司馬云宋當作衛匡衛邑也衛人誤圍孔子  
以為陽虎虎嘗暴於匡人又孔子弟子顏剋時與  
虎俱後剋為孔子御至匡匡人共識剋又孔子容  
貌與虎相似故匡人圍之按史記孔子世家事在  
魯定公十四年匡衛地在  
今直隸大名府長垣縣界

### 公孫龍問於魏牟

釋文司馬云公孫龍趙人按史記孟子荀卿列傳  
云趙有公孫龍為堅白異同之辨蓋與孔子昆孫  
孔穿辨臧三耳者索隱謂即孔子弟子誤據史記  
公孫龍有二其載在孔子弟子列傳中者別是一  
人非居趙而以善辨稱者也魏牟司馬云牟魏之  
公子按呂氏春秋審為篇中山公子牟高誘註子  
牟魏公子也著書四篇又漢書藝文志  
道家有子牟四篇註曰魏之公子也

### 且子獨不聞夫壽陵餘子之學行於邯鄲與

釋文司馬云壽陵邑名未應子夫為餘子成疏壽  
陵燕邑也俞氏人名攷謂餘子為官名引左傳宣  
南華真經識餘 秋水 矣

公二年又宦其餘子亦為餘子為證按凡適子之  
同母弟曰餘子傳所云亦為餘子者蓋謂於餘子  
中擇賢者而宦之以教餘子非謂餘子為官名也  
俞氏又引呂氏春秋離俗覽有平阿之餘子高誘  
註餘子官氏也按氏者所以別子孫所自出釋餘  
子為官氏亦謂其官出於餘子耳非官名餘子也  
左傳疏云餘子之官  
不見周禮其以此與

### 莊子鈞於濮水

釋文濮水陳地水也成疏屬東郡按陳地當是衛  
地之訛說文濮水出東郡濮陽在今直隸大名府  
開州南古  
衛地也

### 遊於濠梁之上

按水經注濠水出若邪山東北之溪若邪山在今  
安徽鳳陽府城東

俄而柳生其左肘

宋呂吉甫曰柳蕩也柳多臃腫故以為瘍瘡之喻羅勉道曰柳者障樞之柳檀弓周人牆置娶註牆柳衣也支離叔與潘介叔觀於墟墓之間意想所致脩有障樞之柳出於左手所肘處不祥之徵也釋文云司馬本肘作肘肘足上也

昔者海鳥止於魯郊

釋文司馬云國語曰海鳥爰居也止魯東門之外三日臧文仲使國人祭之又云魯侯也爰居一名雜爾雅云形似鳳皇

得水土之際則為鼃蟻之衣生於陵屯則為陵舄

釋文司馬云言物根在水土際布在水中就水上視不見抄之可得如張縣在水中楚人謂之鼃蟻之衣按鼃青蛙蟻則為水鳥詩魏風所謂言采其贇者是也屯司馬南華真經識餘至樂完

鳥阜也按大阜曰陵山之無石者曰阜陵舄即水鳥之生於陸者司馬云言物因水成而陸產生於陵屯化為車前改名陵舄也按詩周南註芣苢一物而有水陸之異者即此

鳥足之根為蟻蟻

釋文司馬木作蟻蟻云蝎也成疏蟻蟲也詩衛風所謂領如蟻蟻是也

斯彌為食醯

釋文司馬云食醯若酒上蠓蟻也

蒼苳生乎腐蠹羊奚比乎不筭久竹生青寧青寧生

程程生馬馬生人

釋文腐蠹司馬云亦蟲名爾雅云一名守瓜一云蚋鼠成疏腐蠹螢火蟲也羊奚司馬云草名根似燕菁按即羊蹄草也青寧司馬云蟲名羅勉道云萬載縣有老人曾見一蟲長五寸後尚有寸許是



竹根未化得非所謂青靈者乎程成疏亦蟲名陸  
長庚云程豹之別名筆談言近洲人至今呼虎豹  
爲程是也青靈生程程生馬馬生人世間自有此  
事如史言長沙武陵蠻生於畜狗元始祖胎於狼  
鹿之類不可以耳目所限而斷其必無也又會稽  
徐氏廷槐云秦孝公時馬生人晉建興二年蒲子  
亦馬生人又一解云馬爲齒竟  
人爲人參故作混語以弄奇也

達生篇

子列子問關尹

釋文李云關尹關令尹喜也成疏姓尹名喜字公  
度爲函谷關令俞氏人名攷云漢書道家有關尹  
子九篇注云名喜爲關吏或以尹喜爲姓名失之  
又引呂氏春秋不二篇關尹貴清高誘注關尹關  
正也名喜作道書九篇據此則令尹蓋以吏  
言唐崔曙詩云關門令尹誰能識亦一證也

吾嘗濟乎觴深之淵

南華真經識餘

達生

子

成疏觴深淵名在宋國其狀似梧因以爲名按宋  
國在今河南歸德府界

田開之見周威公

釋文周威公崔本作周威公竈按史記周本記威  
公桓公之子

死得於豚楯之上聚偻之中則爲之

釋文司馬云豚猶筴也楯猶案也聚偻器名也今  
冢壙中註爲之一云聚偻棺槨也一云聚當作敢  
僕當作萑謂殯於敢塗龍輶之也按禮記檀弓  
篇天子之殯也敢塗龍輶以棗龍云敢叢時用  
載輶而畫轂爲龍也以棗者題湊敢木象棗之形  
也又云設萑髮註棺也之牆飾黃音柳又儀禮既夕  
禮註輶有四周軹軸則無輶一作楯據此則豚楯  
卽塗畫之輶喪車也聚偻卽敢木象  
棗飾棺之牆者皆用以榮死之具也

沈有履竈有髻戶內之煩壤雷霆處之東北方之下

者倍阿鮭蠶躍之西北方之下者則決陽處之水有

罔象邱有崟山有夔野有彷徨澤有委蛇

釋文沈有履司馬本作沈有漏云沈水汙泥也漏

神名髻竈神著赤衣狀如美女倍阿神名鮭蠶狀

如小兒長一尺四寸黑衣赤憤大冠帶劍持戟決

陽豹頭馬尾一作狗頭一云神名也罔象司馬本

作無傷云狀如小兒赤黑色赤八大耳長臂一云

水神名幸狀如狗有角文身五采夔狀如鼓而一

足方皇狀如蛇兩頭五采文按司馬本惟雷霆無

說成疏門戶內糞壤之中其間有鬼名曰雷霆即

藥地炮莊註引李軌曰髻竈神名赤衣如美女即

陰就傳注之郭禪也阮堅之曰竈額謂之髻諾皋

太陰雷赫太陽戶向陽故屬之耳倍阿培阿也鮭

蟄即白澤所云門室精謂之俟龍也彪曰蠶赤駁

崟蟄也西北尤為陰方故曰決陽說文夔神態也

如龍一足國語木石之怪夔罔象孔叢子水石之

怪龍罔象郝楚望曰罔兩罔窻罔象方相皆一聲

之轉傍徨往來即白澤所謂慶忌也管子言俞兒

南華真經識餘達生

見者霸即委蛇也山有崟亦可安知崟非傳

說而韻會收之邪莊子隨意安名不必苦辯

### 紀涑子為王養鬪雞

釋文司馬云王齊王也按列子黃帝篇云紀涑子為周宣王養鬪雞

### 孔子觀於呂梁

釋文司馬云呂梁河水有石絕處也今西河離石西有此縣絕世謂之黃梁按離石在今山西汾州府永甯州境一云蒲州二百里有龍門河水所經瀑布而下亦名呂梁又廣輿記徐州城東南呂梁山下有呂梁洪注稱謝玄破符堅堰呂梁之水以通運道即此

### 梓慶

釋文李云梓慶魯大匠也梓官名慶其名也按左傳襄公四年定嬖薨匠慶謂季文子曰子為正卿而小君之喪不成不終君也杜註匠慶魯大匠俞氏人名故謂即此梓慶也

東野稷以御見莊公

釋文東野稷司馬云孫卿作東野畢莊公李云魯莊公也按荀子哀公篇亦載此事莊公作定公下文顏闔作顏淵

山木篇

殺鴈而亨之

高郵王氏曰亨當讀為享享與饗通呂氏春秋必已篇作令豎子為殺鴈饗之是其證也古書亨字作亨烹字亦作亨釋文蓋誤以原文亨字為烹故曰普彭反若原文本作烹何須音釋而今本遂徑改亨為烹矣

市南宜僚

釋文司馬云熊宜僚也居市南因以為號李云姓熊名宜僚按宜僚楚人白公勝將作亂見而說之

南華真經識餘

山木

三

強之助已宜僚不從事載左傳哀公十六年又宜僚弄丸解見徐無鬼篇

孔子問子桑扈曰吾再逐於魯

釋文虛音戶本又作孺李云桑姓扈其名隱人也或云姓桑扈名隱按序戶同音俞氏人名攷謂卽大宗師篇之子桑戶也再逐於魯按史記孔子世家孔子周流列國凡三次返魯六十六歲以後遂不復出此云再逐當據年三十五昭公奔齊魯亂孔子適齊年五十六桓子受齊女樂三日不聽政郊又不致膳俎孔子遂行言之也

子獨不聞假人之亡與林回棄千金之璧負赤子而

趨

釋文李云假國名司馬云林回殷之逃民之姓名成疏假國名晉下邑也林回姓林名回假之賢人也假遭晉滅回故負子而逃

真泠禹曰

釋文真司馬本作直泠音零曉也謂以真道曉語禹也泠或為命又作命令猶教也又明楊慎云真泠即丁寧也一云是其命造形似直故司馬本謬當是乃命二字乃籀文作適形似直故司馬本謬作直也按淮南脩務訓精神曉泠高誘註曉明也泠猶了也據此則訓泠為曉義甚確又宋史契丹傳有我朝定真泠語長洲汪氏琬云真泠猶華言死也按汪說未詳所據豈見是篇上文有將死二字故援以臆斷與

三月不庭

釋文三月一本作三日按下文蘭且從而問之夫子何為頃間甚不庭乎若至三月之久何以云頃問則三月當是三日之說不庭司馬云不出坐庭中證以甚不庭句義亦未慳按詩小雅既庭且碩疏云庭條直也傳云直也凡物氣伸則直不庭猶言氣不伸也蓋既逐物忘真又致虞人之辱故鬱鬱馬有此不庭之狀也

田子方篇

田子方侍坐於魏文侯數稱谿工

釋文李云田子方魏文侯師也名無擇谿工賢人也司馬本作雞工成疏文侯畢萬七世孫武侯之父也按文侯名斯

是求馬於唐肆也

釋文郭云唐肆非停馬處也李同又云唐亭也司馬本作廣肆云廣庭也求馬於市肆廣庭非其所也又會稽徐氏云不壁之屋曰唐肆馬市也日中則馬聚少頃則虛矣按唐虛也唐肆即虛肆也妙法蓮華經福不唐捐

故飯牛而牛肥

按百里奚嘗以養牛于周王子穰語載史記秦本紀

宋元君將畫圖

釋文李云元君元公也按元公名佐平公子又見徐無鬼篇

文王觀於臧

釋文李云臧地名成疏臧近渭水按渭水出今陝西臨洮府渭源縣西

先君王也

按君王尊稱也如禮云君王其終撫諸傳云與君王哉君王其謂午懷安乎國語今君王不察等句甚多其或稱先君或稱先王載在經傳者尤不可枚舉惟先君王之稱為罕見於此義亦費解證以下文王字當是命字之譌與左傳鄧曼所云先君其知之矣語意略同成疏直謂先君王即指見夢之良人而言實誤解也

南華真經識餘

知北遊

三

楚王與凡君坐

釋文司馬云凡國名在汲郡共縣按左傳凡為周公之盾今河南衛輝府輝縣有故凡城

知北遊篇

舜聞乎丞

釋文李云丞舜師也一云古有四輔前疑後丞蓋官名按列子天瑞篇亦載此丞作丞

正獲之問於監市

釋文李云正亭卒也獲其名也監市市魁也成疏正官號也則今之市令也獲名也監市市魁也則今之屠卒也又羅勉道云大射有司正司獲見儀禮

弇桐弔聞之

釋文李云弇桐體道人弔其名成疏姓弇名桐隱者也據成說則是因弇老龍吉之死而聞神農之

也言

臣有守也

高郵王氏云凡九經及諸子中用韻之文道字皆讀若守守即道字也達生篇子巧乎有道邪曰我有道也是其明證又秦會稽刻石文追道高明史記秦始皇紀道作首首與守同音亦一證也

南華真經識餘

知北遊

三



南華真經識餘  
知北遊  
三

南華真經識餘

釋文補

宛平陳壽昌輯

雜篇

庚桑楚篇

有庚桑楚者

釋文司馬云楚名庚桑姓也太史公書作亢桑按庚桑又作元倉列子仲尼篇老聃之弟子有元倉子者張湛註曰音庚桑

以北居畏壘之山

釋文李云畏壘山名也成疏山在魯國又焦竑云卽禹貢之羽山見洞靈經按羽山在今山東沂州府近南一百里接郟城縣及江南淮安府海州贛榆縣界

南華真經識餘

庚桑楚

庚

南榮越

釋文李云南榮越庚桑弟子也成疏姓南榮名越漢書古今人物表作南榮疇或作儔又作壽淮南作南榮疇亦作疇按今本淮南修務訓作南榮疇高誘註南姓榮疇字蓋魯人也

能無卜筮而知吉凶乎

高郵王氏云吉凶當作凶吉與上二句一失爲韻下三句止已已爲韻管子心術篇能專乎能一乎能無卜筮而知凶吉乎是其證

公族也昭景也

成疏昭屈景楚之公族三姓昔屈原爲三閭大夫掌三族三姓卽斯是也此中文略故直言昭景耳按屈原掌王族三姓曰昭屈景語見王逸離騷章句諸解多以昭景及下文甲氏爲三族誤

是故湯以庖人籠伊尹秦穆公以五羊之皮籠百里

奚

釋文伊尹好廚故湯用為庖人百里奚好秦而拘於宛故秦穆公以五羊皮贖之於楚也或云百里好五色皮裘故因其所好也按史記殷本紀阿衡欲奸湯而無由乃為有莘氏媵臣負鼎俎以滋味說湯致于王道又秦本紀奚為虞臣晉滅虞虜以為秦穆夫人媵臣奚亡秦走宛楚人執之穆公以五股羊皮贖之授以國政號五投大夫

徐無鬼篇

徐無鬼因女商見魏武侯

釋文徐無鬼緡山人魏之隱士司馬本作緡山人徐無鬼成疏女商魏之宰臣武侯文侯之子按武擊名

則以金版六弢

南華真經識餘

徐無鬼

毛

釋文司馬崔云金版六弢皆周書篇名或曰祕識也本又作六韜謂太公六韜文武虎豹龍犬也

黃帝將見大隗乎具茨之山

釋文大隗司馬崔本作泰隗或云神名也具茨司馬云山名也在滎陽密縣東今名泰隗山按密縣今屬河南開封府

至於襄城之野

釋文李云地名按今河南許州有襄城縣

郢人堊漫其鼻若蠅翼使匠石斲之

釋文郢楚都也郢人漢書音義作夔人服虔註夔人古之善塗墍者施廣領大袖以仰塗而領袖不汚有小飛泥誤著其鼻因令匠石揮斤而斲之按郢在今湖北荊州府江陵縣界夔人見漢書揚雄傳



田禾一觀我

釋文田禾齊君也俞氏人名攷云卽田齊之大公和也

市南宜僚弄丸而兩家之難解孫叔敖甘寢秉羽而

郢人投兵

按淮南子主訓篇昔孫叔敖恬臥而郢人無所害其鋒市南宜僚弄丸而兩家之難無所關其辭高誘註云楚平王太子尹建爲費無忌所逐奔鄭鄭人殺之其子勝在吳令尹子西召之爲西奔鄭鄭人鄭以報讐子西許之而未出師晉人伐鄭子西救之勝怒曰鄭人在此讐不遠矣欲殺子西其臣石乞曰市南宜僚得之可以當五百人乃往視之告其故不能從之以劍而不動而弄丸不輟心志不懼曰不能從子爲亂亦不泄子之事白公遂殺子西故兩家雖有難不怨宜僚故曰無所關其辭也此與哀公十六年左傳所載略同惟添入弄丸不輟數語據此則所謂兩家之難解者特謂宜僚

南華真經識餘

徐無鬼

矣

不與兩家之難耳又焦竑云宜僚善弄丸鈴常入丸在空一丸在手楚與宋戰宜僚披胸受刃於軍前弄丸鈴一軍停戰遂勝之未知所據又按孫叔敖在孔子前能宜僚在孔子後莊子隨意援引皆寓言也

適當渠公之街

釋文或云渠公齊之富室一云渠公屠者成疏齊富室之爲街正者

句踐也以甲楯三千人棲於會稽唯種也能知亡之

所以存唯種也不知身之所以愁

成疏句踐越王也會稽山名按在今浙江紹興府境種越大夫名釋文引吳越春秋云姓文字少禽按史記越王句踐世家越王既敗於夫椒乃以餘兵五千保棲於會稽吳王追而圍之越使大夫種卑詞厚禮請成於吳後又賂吳幸臣太宰嚭乃得歸國既歸苦身焦思不忘會稽之恥使范蠡治國

政蠡對曰兵甲之事種不如蠡鎮撫國家親附百姓蠡不如種乃舉國政屬之大夫種遂得平吳稱霸於時范蠡隱去自齊遺種書曰蜚鳥盡良弓藏狡兔死走狗烹越王爲人長頸烏喙可與共患難不可與共樂子何不去種見書稱病不朝人或讒種且作亂越王乃賜之劍種遂自殺

### 則陽篇

### 則陽游於楚

釋文司馬云名則陽字彭陽也一云姓彭名則陽周初人也

### 湯得其司御門尹登恆

釋文向云門尹官名登恆人名按司御門尹登恆皆寓名也

### 容成氏

釋文老子師也按下文除日無歲語當是黃帝時作歷者至祛籛篇所稱則又古帝王號非人名也

### 南華真經識餘

則陽

堯

### 魏罍與田侯牟約

釋文司馬云魏罍魏惠王也田侯齊威王也名牟桓公子約誓在惠王二十六年按史記威王名因不名牟成疏田侯即齊威王田桓之後故曰田侯其盟在齊威王二十六年魏惠八年按嘉定錢氏建元表齊威王二十六年魏惠之十八年也

### 犀首聞而恥之

釋文犀首魏官名也司馬云若今虎牙將軍公孫衍爲此官元嘉本作齒首按公孫衍魏之陰晉人史記國策皆稱犀首犀首其官也

### 忌也出走

釋文忌畏而走或言圍之也元嘉本忌作亡成疏姓田名忌齊將也按忌事威王爲將宣王二年魏伐趙帥師救之破魏於馬陵係太子申禽龐涓蓋齊之善將兵者

於魏中有梁

按魏本都河東為秦所逼徙都於梁在今河南開封府境

長梧封人問子牢曰

釋文長梧地名封人守封疆之人據齊物論篇釋文簡文說即長梧子也子牢司馬云孔子弟子名琴

卜葬於沙邱

釋文沙邱地名成疏在盟津河北按今直隸順德府平鄉縣有沙邱臺為紂所築史稱秦始皇崩於此當即其地

季眞之莫為接子之或使

釋文季眞接子季云二賢人成疏並齊之賢人俱游稷下俞氏人名攷云史記孟荀列傳有接子索

南華眞經識餘

則陽

罕

隱云古著書人之名號

外物篇

萇弘死於蜀藏其血三年化為碧

成疏萇弘遭譖被放歸蜀刳腸而死蜀人感之以匱藏其血三年而化為碧玉林希逸說同又左太冲蜀都賦有碧出萇弘之血句按蜀古國名在禹貢梁州之域秦時始隸中國謂之蜀郡其地距周甚遠據左傳周敬王二十八年周人殺萇弘則死於周非死於蜀可知又史記封禪書集解皇覽云萇弘冢在河南洛陽東北山上其確證也又按呂氏春秋必已篇引此段全文屬下萇其血三字讀義亦順蜀祭器名見管子形勢篇抱蜀不言註又太平寰宇記載南陽縣城西三十里有蜀山按南陽今縣屬河南南陽府春秋時於成周為近邑死於蜀或指是山而言例以上文流於江句一水一山文義洽合雖無確證亦足補舊解之所未及故

並錄之

故孝已憂而曾子悲

按帝王世紀高宗有賢子孝已其母早卒高宗惑後妻之言放而死天下哀之又家語曾參後母遇之無恩其妻蒸藜不熟出之

故往貸粟於監河侯

釋文監河侯說苑作魏文侯按文侯名斯

任公子

釋文李云任國名按唐書世系考黃帝少子禹陽受封於任因以為姓

自洵河以東蒼梧以北

按洵河即今浙江蒼梧山名在今廣西梧州府界

南華真經識餘

外物

望

老萊子

釋文楚人也按老萊子辨於蒙山楚王知其賢親造其廬將使為相其妻曰妾聞之可食以酒肉者可隨而鞭捶可擬以官祿者可隨而銖鉞妾不能為人所制投畚而去老萊子遂與偕行至江南而止著書十五篇言道家之用莫知所終事載高士傳

子自宰路之淵子為清江使河伯之所魚者余且得

子

釋文李云宰路淵名句曲宣氏云宰主也路淵名清江舊解未詳按清江一名夷江在今湖南施南府恩施縣界余且釋文姓名名且會稽徐氏云史記龜策傳作豫且

草木之到植者過半

釋文司馬云鋤拔反之更生者曰到植按到通倒淮南子原道訓倒生挫傷高誘託草木首地而生

故曰倒生到樵  
當卽倒生也

昔城可以休老

昔城養生之術按真誥云時以手按四眚令見光明是檢眼神之道久爲之見百靈

帥弟子而跋於窾水

釋文司馬云窾水水名按窾空也當是水旁有空隙處故躡身於此也

寓言篇

吾及親仕三釜而心樂後仕三千鍾不泊吾心悲

按韓詩外傳曾子曰吾嘗仕爲吏祿不過鍾釜尙猶欣欣而喜者非以爲多也樂道養親也親歿之後吾嘗南遊於越得尊官堂高九仞椽題三尺賑穀百乘然猶北向而涕者非爲賤也悲不見吾親也

南華真經識餘

寓言

列禦寇

望

列禦寇篇

鄭人緩也呻吟裘氏之地

釋文裘氏地名案水經渠水注沙水又東逕陳留縣裘氏鄉裘氏亭西陳留風俗傳曰陳留縣裘氏鄉有澹臺子羽家陳留今縣屬河南開封府又鄭氏通志載裘氏衛大夫食采於裘因氏焉據此則裘氏當是衛邑以禮檀弓篇證之說亦合鄭衛於春秋時本屬鄰境緩或鄭人而學於衛者與

朱泚漫學屠龍支離益

釋文司馬云朱泚漫支離益皆人姓名一云泚當作泚又廣韻朱字註云莊子有朱泚漫郭象註云朱泚姓也接今本郭註無此句

天下篇

墨翟禽滑釐

釋文墨翟宋大夫尚儉素禽滑釐墨翟弟子也成  
疏姓禽字滑釐按禽滑釐見墨子公輸篇至孟子  
註滑釐慎子名  
蓋別一人也

### 相里勤

釋文司馬云姓相里名勤按韓非子顯學篇自墨  
子死而有相里氏之墨有鄧陵氏之墨

### 苦獲已齒鄧陵子之屬

釋文苦獲已齒二人姓氏也鄧陵子俞氏人名攷  
謂卽韓非子所云鄧陵氏之墨也

### 以巨子爲聖人

釋文巨子向崖本作鉅向云墨家號其道理成者  
爲鉅子若儒家之碩儒也按巨當作鉅呂氏春秋  
去私篇墨者有鉅子腹醇居秦高誘註鉅姓子通  
稱腹醇字也又墨者孟勝將死陽城君之難特屬  
鉅子於宋之田襄子以  
傳墨教事載上德篇

### 南華真經識餘

天下

聖

### 宋鉞尹文

釋文宋鉞未詳尹文崔云齊宣王時人著書一篇  
成疏宋子名鉞尹子名文並齊宣王時人同游稷  
下宋著書一篇尹著書二篇咸師於黔而爲之名  
也按荀子天論篇宋也與孟子同時又漢書藝文志  
註宋子名鉞宋人也與孟子同時又漢書藝文志  
尹文子一篇在名家師古曰劉向又與宋鉞同遊  
稷下俞氏人名攷云列子周穆王篇老  
成子學幻於尹文先生疑卽其人也

### 彭蒙田駢慎到

釋文彭蒙慎到未詳田駢齊人著書十五篇慎子  
云名廣成疏三人皆齊之隱士俱遊稷下各著書  
數篇按漢書藝文志道家田子二十五篇名駢齊  
人遊稷下號天口呂氏春秋不二篇陳駢貴齊卽  
田駢也史記孟荀列傳慎到趙人著十二論  
漢書藝文志法家有慎子四十二篇名到

### 曰黃繚

釋文李云賢人也又會稽徐氏云戰國策載魏王  
使惠子於楚楚中善辯如黃繚輩爭爲詰難據此  
則黃繚  
楚人也

